

IZBORI 2010: ŽELJKO KOMŠIĆ, FENOMEN ILI DRŽAVNIK

SLOBODNA

# BOSNA

NEZAVISNA INFORMATIVNA REVIJA

GODINA XVI | BROJ 725 | SARAJEVO 7.10.2010. | CIJENA 3 KM



Fra Ivo Pavić, jedini harizmatik u Bosni i Hercegovini

Međugorje u Republici Srpskoj

[www.slobodna-bosna.ba](http://www.slobodna-bosna.ba)

ISSN 0354-1436 PRINTED IN BOSNIA-HERZEGOVINA



9 770 354 143 005 0 0 7 2 5

## 12 POSTIZBORNA DRAMA

### Rasulo izbornih pobjednika

Dragan Čović i Milorad Dodik odbijaju suradnju sa čelnikom SDP-a Zlatkom Lagumđjom, koji pretendira na čelnu funkciju u Vijeću ministara BiH; "Slobodna Bosna" analizira može li Lagumđija formirati državnu vladu bez podrške Čovića i Dodika i otkriva mogu li Thić, Čović i Dodik formirati državnu vladu bez Lagumđije i SDP-a



## 16 ZLOČINAČKA ORGANIZACIJA ZIKE TURKOVIĆA

### Što je otkrila dosadašnja istraga

Nakon što je u najvećoj poslijeratnoj policijsko-pravosudnoj akciji protiv organiziranog kriminala razbijena zločinačka organizacija ZIJADA ZIKE TURKOVIĆA i uhapšeno jedanaest njegovih kompanjona, osumnjičenih za pet ubojstava, trgovinu drogom, iznude, Državno tužiteljstvo je otvorilo istragu o poslovanju više firmi čiji je Turković (su) vlasnik, kao i o njegovim "poslovnim partnerima" u BiH i susjednim državama



## 38 FRA IVO PAVIĆ, ISCJELJITELJ IZ ŠURKOVCA

### Molitvom do ozdravljenja

Župa Šurkovac pored Prijedora u posljednjih nekoliko mjeseci postala je stjacište brojnih vjernika iz čitave Evrope koji u ovo mjesto dolaze zbog harizmatičnog sveštenika fra Ive Pavića, koji čudesnim

molitvama i iscjeljiteljskom moći lijeći ljudi i od najtežih bolesti; reporteri našeg lista posjetili su selo Šurkovac, gdje su razgovarali sa vjernicima i jednim bh. harizmatikom fra IVOM PAVIĆEM



## 50 DOSSIER SB

### Kako su bh. klubovi namještali utakmice

Krajem prošle nedjelje istražitelji njemačkog regionalnog Tužiteljstva iz Bochuma dostavili su bh. kolegama dosje s imenima osoba i klubova iz BiH koji su učestvovali u kladioničarskom skandalu koji već mjesecima potresa Evropu; SLOBODNA BOSNA ekskluzivno donosi najvažnije detalje ovog sportskog skandala i ko je, kada i za koliko novca namještao rezultate nogometnih utakmica naših klubova u Evropi i Premier ligi



## 60 PUBLIKACIJA ŠKOLEGIJUM

### Dvolist za nastavnike, đake, roditelje

Redakcija od pet novinara, profesora i pisaca pokrenula je prije mjesec dana podlistak "Školegijum" koji se distribuira sa politički neutralnim i širom naše zemlje prodavanim oglašnikom "Super oglasi"; na stranicama "Školegijuma" se kratko, duhoviti



to i provokativno piše o najbolnjim temama iz bh. obrazovanja a članovi njegove redakcije za "SB" govore o nastanku "Školegijuma" i o prvim reakcijama, pohvalama, ali i žučnom napadu koji su doživjeli

## 64 HISTORIJSKI MUZEJ BiH

### Prije i poslije Dejtona

U okolini Historijskog muzeja Bosne i Hercegovine danas niču blještavi tržni centri, prekoputa je novo, impozantno zdanje Američke ambasade...; zgrada Muzeja izgleda kao da više ne pripada tom vremenu ni ambijentu - ipak, i dalje je tu



# BOSNA

**SLOBODNA BOSNA**  
nezavisna informativna revija

**IZDAVAČ**  
Pres-Sing d.o.o. Sarajevo

Glavni i odgovorni urednik: Senad AVDIĆ  
Predsjednik Upravnog odbora: Asim METILJEVIĆ  
Direktor: Erbein REŠIDBEGOVIĆ

Uređuje redakcijski kolegij

Novinari:

Suzana MIJATOVIĆ, Danku SAVIĆ,  
Mirha DEDIĆ, Nedim HASIĆ, Mirsad FAZLIĆ,  
Dino BAJRAMOVIĆ,  
Adisa BAŠIĆ, Maja RADEVIĆ

Grafički urednik: Edin SPAHIĆ

DTP: Atif DŽIDIĆ Elvira HAJDAREVIĆ

Lektor: Sedina LONČARIĆ

Šekretar redakcije: Edina MUŠOVIĆ

Marketing i prodaja: Amela ŠKALJIĆ  
e-mail: marketing@slobodna-bosna.ba

Fotografija: Milutin STOJČEVIĆ, Mario ILIĆ

Revija izlazi sedmično  
Telefoni: 444-041, 262-630, telefaks: 444-895

Adresa: Čekaluša čikma 6, Sarajevo

Transakcijski računi  
1610000015710034 - Raiffeisen BANK

HYP ALPE-ADRIA-BANK 306051000025213

FIMA BANKA d.d. SARAJEVO  
137-042-60011444-55

List "Slobodna Bosna" upisan je u evidenciju javnih glasila u Ministarstvu obrazovanja, nauke, kulture i sporta pod rednim brojem 522, Mišljenjem Federalnog ministarstva obrazovanja, nauke, kulture i sporta od 12.6.2001.

Štampa: UNIONINVESTPLASTIKA, Semizovac.  
Fotografije, rukopisi i diskete se ne vraćaju.

PDV broj 20033040003  
e-mail: sl.bos@bih.net.ba

Vijeće za štampu u Bosni i Hercegovini

Slobodna Bosna je punopravni član Vijeća za štampu u BiH

**POZNATI SVEĆENIK I HARIZMATIK**

Na molitvenim i iscijeljiteljskim skupovima fra Ive Pavića, gdje se okupljaju hiljade ljudi, događaju se čudesna ozdravljenja



# ČUDO ISPOD KOZARE

Župa Šurkovac pored Prijedora u posljednjih nekoliko mjeseci postala je stjecište brojnih vjernika iz čitave Evrope koji u ovo mjesto dolaze zbog harizmatičnog sveštenika fra Ive Pavića, koji čudesnim molitvama i isjeljiteljskom moći liječi ljude i od najtežih bolesti; reporteri našeg lista posjetili su selo Šurkovac, gdje su razgovarali sa vjernicima i jedinim bh. harizmatikom fra **IVOM PAVIĆEM**

## ŠURKOVAC POTENCIJALNO NAJVEĆE SVETIŠTE U EVROPI!

Piše: MIRHA DEDIĆ


Foto: MARIO ILIČIĆ

"Fra Ivo Pavić, župnik u selu Šurkovac kod Prijedora, liječi dodirom ljude od najtežih bolesti. Za izljeчењe potrebna je samo čvrsta vjera bolesnoga!"

Na ove i slične tvrdnje hrvatske štampe i katoličkih vjernika mnogi će odmahnuti rukom i s razlogom reći da je to nemoguće jer najteža obolenja, kao što su neki oblici kancera, nije uspjela pobijediti ni savremena medicina. Među tvrdokornim skepticima bila je i autorica ovog teksta koja se u selo Šurkovac udaljeno pet sati vožnje od Sarajeva uputila sa predrasudama da će u vrletima Potkozarja, koje je preko noći postalo poznato kao mjesto duhovnog i fizičkog iscjeljenja, sresti svećenika koji zahvaljujući svojoj harizmi manipuliše ljudima i koji će, kao i većina njih, izbjegći susret sa novinarima.

Međutim, u Šurkovcu su sve predrasude pale u vodu. Vjernici iz čitavog regiona, koji su u autobusima i automobilima stizali na fra Ivine molitve za ozdravljenje, ispred crkve su otvoreno svjedočili o svojim iskustvima. Većina njih u Šurkovac je prošle nedjelje došla po četvrti ili peti put kako bi dovela članove svoje obitelji, prijatelje, komšije. Najmanje je vjernika bilo iz Bosne i Hercegovine, što i ne čudi budući su se toga dana održavali izbori.

Vesnu Josipović iz Sunje zatekli smo ispred kapele sa kćerkom i unukom. Ovo joj je, kaže, peti dolazak u Šurkovac. Tvrdi da je zahvaljujući fra Ivi ozdravila ne samo ona nego i njena majka, i da je sada došla sa kćerkom koja je dugo odbijala da prihvati njena uvjerenja da se u Šurkovcu dešavaju čuda. Dovela je i dvoipogodišnju unuku Patriciju koja noću loše spava. Odlučila je, kaže, da



**PROPOVIJED I MOLITVA**  
Fra Ivine molitve za ozdravljenje  
masovno su posjećene

**Iskustvo naše novinarke:** "Iako sam bila odlučna da ostanem uspravno i pri svijesti, na dodir fra Ive pala sam kao pokošena!!!"

proda imovinu u Hrvatskoj i da kupi komad zemlje u Šurkovcu blizu Crkve, gdje je pronašla svoj duhovni mir i bila svjedokom brojnih ozdravljenja. Upoznaje nas sa svojom prijateljicom **Andelkom**, koja tvrdi da je ozdravila nakon što je prvi put fra Ivo položio ruku na nju.

"Godinu dana na desno uho nisam ništa čula. Liječila sam se kod ljekara, uzimala razne tablete, anitibiotike, ali pomaka nije

bilo. Nakon prvog kontakta sa fra Ivom otišla sam kući potpuno zdrava. Pored toga, fra Ivo je na daljinu liječio i mog sina koji se u to vrijeme nalazio doma. Muž mi je rekao da je naš sin u tom času osjećao toplotu na povrijeđenom koljenu. Dolazit ću ovdje jer smatram da je ovo zaista sveto i jedinstveno mjesto", kaže Andelka iz Sunje.

Ispred crkve smo zatekli i bračni par iz Splita koji se više godina liječio od ovisi-

▶ nosti od heroina. Bili su kažu u Međugorju, Samoboru, ali čudo koje su doživjeli u Šurkovcu bilo je razlog da ponovo dodu. Po prvi put su se, kažu, "osjetili oslobođeni od zlog duha droge" i spremni su da istraju u skidanju sa igle zbog svoje dvoje djece.

Ankica iz Zagreba također je u Šurkovcu bila više puta. Bolovala je od raka štitnjače i nije vjerovala da joj fra Ivin dodir i molitva mogu pomoći, a sada je, kaže, zdrava osoba i u Šurkovac dolazi jer se nakon susreta sa fra Ivom osjeća okrijepljenom i punom energije.

U Šurkovac dolaze bolesnici od kojih su ljekari digli ruke, invalidi na štakama, koji nakon nekoliko seansi odlaze kući na svojim nogama. Hodočasnici u Šurkovac oduševljeno govore o čudima kojima su sami bili prisutni, da su djeca u Crkvi skidala naočare sa velikom dioptrijom, da se nakon fra Ivinog dodira

tio se veliki propuh, međutim fra Ivo je svojim dolaskom brzo ugrijao atmosferu. Susret sa hodočasnicima je započeo pjesmom.

U svojoj propovijedi govorio je o duhovnoj obnovi, uslijedio bi red molitve, pa red pjesme, a onda je fra Ivo pozvao nekoliko hodočasnika da stanu pred njega kako bi ih izlijecio.


Prvo je tražio da pred njega dodu svi oni koji žele da ostave cigarete, ali im to ne uspijeva. Po fra Ivi, "duh pušenja" uništava čovjekovo zdravlje i treba ga se čvrsto riješiti. Prije nego što je pedesetak "nepopravljivih" pušača stalo ispred fra Ive, po njegovom zahtjevu, izvadili su cigarete i upaljače iz džepova i bacili ih ispred oltara. Zatim je počeo iscijeliteljski čin.

Sam način na koji fra Ivo liječi je napravo fascinantan. Vjernici koji se

Potom je fra Ivo pozvao ispred sebe sve hodočasnike koji boluju od kralježnice, ravnih stopala, problema sa kukovima. Međutim, kada je kazao da mu pristupe svi oni koji imaju kraću nogu ili ruku i nago-vijestio da će se one nakon njegovog dodi-ra produžiti, odnosno izjednačiti, prva pomisao je bila - šta ovaj čovjek govoriti?

Nakon što je nekoliko stotina vjernika zbog svojih zdravstvenih problema ili sa fotografijom u ruci svojih najmilijih pris-tupilo fra Ivi, i autorica ovog teksta odlučila je da stane pred njega i osobno provjeri o čemu se, zapravo, radi.

Čvrsto riješena da ostanem na nogama, otvorenih ruku stala sam pred fra Ivu. Ali samo trenutak pošto je fra Ivo osvećenim uljem dodirnuo moje čelo izgubila sam zrak i velikom brzinom našla se na podu. Kao pod



## NISAM ČUDOTVORAC, NI ISCJELJITELJ: Fra Ivo kaže da nije iscijelitelj, niti bioenergetičar i da nema čudotvorne moći već da to Bog, a ne on, čini čudesna ozdravljenja i to kroz molitvu, nakon koje bolesni postaju zdravi, a nespokojni pronađu svoj mir

kičmeni pršljenovi pomjeraju i postavljaju na svoje mjesto. Tvrde da fra Ivo vrlo uspješno liječi od depresije, tjeskobe, nemira i napetosti.

### "BOŽIJA RUKA" FRA IVE

Misa u Šurkovcu, prošle nedjelje, počela je jedan sat popodne umjestu uobičajnih 11 sati jer fra Ivo služio misu u susjednom mjestu. U Šurkovcu je misa i molitva ozdravljenja trajala više od tri sata. U hladnom i sumornom prostoru crkve koja nema ni vrata ni prozore osje-

nađu ispred njega, nakon što fra Ivo na njih položi ruku, padaju na zemlju u besvesnjem stanju kao pokošeni. Iza njih se uvijek nađe fra Ivin pomoćnik koji ihiza leđa dočeka na ruke i spušta polako na zemlju kako se ne bi ozlijedili pri padu. U stanju "duhovne anestezije" neki ostanu nekoliko trenutaka, drugi opet i po nekoliko minuta, međutim ima i onih koji se nakon fra Ivinog dodira blago zaljuljaju, ali ostaju na svojim nogama.

anestezijom, ali svjesna mjesta gdje se nalazim, nekoliko trenutaka nisam se mogla pomaći. Potpuno zbumjena, izašla sam iz crkve u dvorište, jedva čekajući da mi fra Ivo objasni fascinantni fenomen koji sam upravo osjetila "na vlastitoj koži".

Posmatramo lica ljudi nakon mise. Većina njih je posebno raspoložena, reklo bih se čak i razdragana. Roditelji koji su došli sa svojom bolesnom djecom u naručju, čije lice je bilo iskrivljeno od brige za njihove mališane, bili

su nasmijani. Iz crkve si izlazili, u najmanju ruku, kao iz ordinacije u kojoj im je ljekar upravo saopšto da je njihovo dijete izliječeno.

#### "SVI SMO DJECA ISTOGA BOGA"

Dok čekamo fra Ivu da nam u svom urednu da intervju, oko 400 vjernika koji su se našli u dvorištu "opsjedaju ga" tražeći da se s njim fotografišu, razgovaraju o svojim problemima, dodirnu ga. Nakon njihovog odlaska fra Ivo kaže da nije umoran i "da bi mogao satima moliti za napačeni narod, slušati njihove nevolje i moliti se s njima i za njih".

Kada ga pitamo o fenomenu izliječenja, kaže da nije iscjelitelj, niti bioenergetičar i da nema čudotvorne moći već da to Bog, a ne on, čini čudesna ozdravljenja i to kroz molitvu, nakon koje bolesni postaju zdravi a nespokojni pronađu svoj mir.

"Vjerujem da su mnogi ozdravili. Ozdravljenje, znakovi i čudesna se podrazumijevaju jer je Isus Bog čuda. Svako ozdravljenje je odgovor na molitvu i obično se ljudi javljaju da su ozdravili nakon određenog perioda. A čudo je trenutno ozdravljenje da ga svi mogu vidjeti.

Ozdravljenja su važna jer su plodonosna za narod!"

Fra Ivo kaže da njemu vjeroispovijest nije važna i da se u dvorištu njegove crkve ne razgovara da li je čovjek vjerujući, ili ateista.

"Ovdje niko nikom ne smeta, nema prepirkni, niti svađe, zapravo taj duh Božiji ujedini ljudi. Ja vidim ljudi koji dolaze sa svih strana, onda čujem Božiji glas koji mi kaže - 'sve su to moja djeca, bez obzira na religiju'. Svima nam treba ozdravljenje, mislim da Bog voli svakog čovjeka i da želi da se svaki čovjek spasi. Svaki čovjek treba

**FRA IVO: "Ljudi bi rekli da se dešava čudo, međutim, meni je sve to normalno. Postoje mnoga ozdravljenja i katolika i pravoslavnih i muslimana. Ustajanje iz kolica i ostavljanje štaka za mene je postala normalna pojava"**



#### LIJEĆENJE MOLITVOM

Vjernici iz čitavog regiona koji dolaze na čudesne molitve za ozdravljenje nakon fra Ivinog dodira padaju na pod kao pokoseni



#### ODVIKAVANJE OD PUŠENJA

Prije nego što stanu pred fra Ivu pušači koji su odlučili da se oslobode ove navike pred oltar bacaju cigarete i upaljače



duhovno ozdravljenje od stresova, svaki čovjek treba mir, radost, ljubav..."

Sa zadrškom pitamo ga da li su ljudi, koji tvrde da su ozdravili, pored dolaska kod njega koristili i lijekove.

"Oni koji su bili ovde ozdravili su po mojoj molitvi u ime Isusovo. Ima tamo u maloj kapeli desetak štaka koje su ljudi ostavili jer im više nisu bile potrebne. Ozdravljenje nije samo kada tijelo ozdravi, jako je važno da čovjek ima zdrav duh, da nije u depresiji, da ga ne muči tjeskoba. Postoje znakovi da se ljudi nakon pronalaska duševnog mira u tijelu postojali krepkiji. Ljudi dolaze i kada ne mogu imati djece i često se desi da poslije toga žena zatrudni. Jedanput je bilo da je iz Mostara došle

Nastavak na 46. stranici